

东亚史

下册

世界知识出版社

PDG

東亞史下冊目錄

第一編 日本

- 第二章 日本之開國
- 第二章 華化時代
- 第三章 武人專政時代
- 第四章 日本之革新
- 第五章 文治武功兩派之鬥爭
- 第六章 立憲政治之成立
- 第七章 日本修改不平等條約之始末
- 第八章 甲午前之中日外交
- 第九章 中日戰爭
- 第十章 日俄戰爭
- 第十一章 近年日本之對外關係

第一章 緒論

第二章 俄羅斯之開化

第三章 蒙古統治下之俄國

第四章 莫斯科王國之崛起及伊凡四世之霸業

第五章 十七世紀初年之大亂與羅曼諾夫王朝之建立

第六章 彼得大帝

第七章 卡德鄰二世

第八章 近代俄國政治社會之背景

第九章 亞力山大一世

第十章 尼古拉一世

第十一章 亞力山大二世

第十二章 亞力山大三世與尼古拉二世之初年

第十三章 日俄戰爭與一九〇五年之革命

第十四章 大戰前之政治經濟及外交

- 第十五章 大戰時伊國革命之醞釀
- 第十六章 一九一七年之革命
- 第十七章 革命後之政治與經濟

第三編 朝鮮

- 第一章 總論
- 第二章 漢族開化時代
- 第三章 三國時代
- 第四章 王氏高麗時代
- 第五章 李氏朝鮮時代
- 第六章 朝鮮之失國
- 第七章 朝鮮之獨立運動
- (附) 朝鮮大事年表

第四編 印度

- 第一章 印度古代之情勢

第二章 佛教之興

第三章 印度政治之變遷及其與他族之關係

第四章 英人之侵入印度

第五章 印度之近狀

第五編 印度支那半島諸國

第一章 暹羅

第二章 緬甸

第三章 安南

勘誤表

頁數 行數 字序
 曾思殖邊之先決問題

一 四 三〇
 二 六 三三
 三 七 三二
 四 三 三〇
 五 四 三〇
 六 三 九
 七 一 四
 八 二 七
 九 一 一
 一〇 一 一
 一一 一 一
 一二 一 一
 一三 一 一
 一四 一 一
 一五 一 一
 一六 一 一
 一七 一 一
 一八 一 一
 一九 一 一
 二〇 一 一
 二一 一 一
 二二 一 一
 二三 一 一
 二四 一 一
 二五 一 一
 二六 一 一
 二七 一 一
 二八 一 一
 二九 一 一
 三〇 一 一
 三一 一 一
 三二 一 一
 三三 一 一
 三四 一 一
 三五 一 一
 三六 一 一
 三七 一 一
 三八 一 一
 三九 一 一
 四〇 一 一

開發瀾滄全部與鞏固西南國防之兩部計劃

誤

上，應刪去

元

案

元

鉅

保

巔

通

「向」字下落「歸」字

從

及

實

正

下

沉

岸

航

距

來

論

地

徒

反

實

第一編 日本史

第一章 日本之開國

日本之開國。日本建國在亞洲之東。合五大島二千餘小島而成。地形狹長。由東北迄於西南。延長數千里。勢如長蛇。包圍我國東面。最寬處將及千里。最狹處不及百里。其國內人種。古稱大和民族。我國古史稱之曰倭。膚色淡黃近於漢民族。而身軀短小。語言之組織又與我國之滿蒙等族相近。其畢竟出於何系尙無定論。蓋其民族之組織甚爲複雜。有漢人苗裔。有韓人苗裔。有東北東南各族之苗裔。其由黑龍江流域經庫頁島北海道而蔓延於本州者。則有蝦夷族。由南洋羣島漂流至九州者。則有上古之熊襲族。然以大和民族爲主體。人數最多。勢力亦最大。爲日本民族之代表。

日本上古歷史。全屬神話。支離怪誕。不近情理。至神武天皇東征時。始略有史蹟可尋。相傳神武出於天照女神。於西元前六六七年（周惠五十年）即位於九州日南之高千穗宮。是爲現代皇室之始祖。當是時。日本土人大抵穴居野處。其最野蠻者。爲土蜘蛛族。次爲蝦夷族。蔓延於東北方。西南之九州島則有熊襲族。勢亦慄悍。

大和民族雜居。而日本之畿內道。古爲大倭國。(後曰大和國)爲大和民之別派所據。熊襲勢最盛。壓迫神武之族。神武乃與部下密謀。移師東略。以次服屬鄰部。遂取山陽之地。進兵攻大倭。大倭之將長髓彥甚勇猛。屢敗神武軍。神武改由間道而進。始降其地。因徙都大倭之橿原。(今西京)爲日本建國之始。即以是年爲紀元元年。即中國周惠王十七年也。

大和族之興勃。神武天皇歿後。歷五世而至孝靈天皇。與我國始皇帝同時。秦始皇二十八年齊人方士徐市上書謂「海中有三神山，曰蓬萊，方丈，瀛洲，仙人居之。請得齋戒與童男女求之。」詔從其請。發童男女數千人。令徐市率之入海求神仙。展轉至日本。徐市以未見仙蹤。不敢歸。乃居於熊野浦。是爲漢民族雜居日本之始。

孝靈以後。傳孝元，開化二世。而至崇神天皇。逐漸整理內政。並畧定其附近部落。其子垂仁天皇。大興水利。庶民殷富。再傳至景行天皇。時西方之熊襲勢益盛。屢與日本爲敵。景行親往攻之。誘熊襲酋長之女殺其父。六年而平。未幾又舉兵相抗。景行之子日本武尊年少貌美。作女裝入敵營侍飲。乘機刺死其梟帥。擊滅其餘黨。九州始復靖。又使日本武尊平定東方之蝦夷。日本之版圖始擴張於東北。

日本武尊之子仲哀天皇之世。熊襲復叛。仲哀自將征之。其妻神功后以爲「熊襲與新羅交通。並倚爲援。難遽下。宜先攻新羅。則熊襲不戰自服矣。」仲哀不聽。進戰。敗績。中流矢歿於陣。神功祕不發喪。僞作男裝。自將舟師出海。直達新羅之東岸。新羅王大驚。請降。神功收其府庫圖籍。遣將戍其地。質其王族。大得金帛而歸。（漢獻帝時）嗣後新羅歲致貢獻。百濟因與高句麗爲仇。亦與日本相結。日本乃於弁韓故地之任那。置日本府。遣兵戍之。自是朝鮮南部羈縻於日本。

日本古代之文化。漢書地理志云：「樂浪海中有倭人。分爲百餘國。以歲時來獻。」又光武帝時。賜倭奴。（即倭奴）國王印綬。魏明帝時。倭女王卑彌呼亦遣使入貢。在魏晉以前。日本無文字。無教育。無所謂文化也。自神功征服朝鮮後。日本與中國交通大開。中國之文化漸由朝鮮輸入日本。應神天皇時。百洛王使其臣阿直岐貢良馬。阿直岐通中國文字。應神使皇子稚郎子師之。阿直岐又導王仁來。獻論語十卷。鍾繇千字文一卷。一時貴族多從之遊。並有組織學會以研究中國文學者。是爲中國文字傳於日本之始。同時養蠶製服以至醫藥美術諸技藝。亦由中國源源輸入。蓋其時中原多故。遺民往往航海渡日。皆別爲姓氏。雜居郡國。教日本土人以各種技藝。日久滋生藩衍。蔚爲大族。其著者爲秦氏漢氏。日本之開化。得力於

二氏甚多。

日本古無佛教。繼體天皇時（梁武帝時）華人司馬達始至日本。弘布佛法。當時斥爲異端。至欽明天皇時（梁簡文帝時）百濟遣使貢佛像佛經。讚其功德。欽明大悅。命大臣蘇我稻目供養之。國人從信者日多。然大連物部尾與排佛教。與蘇我氏互攻。內政失修。其後蘇我馬子得勢。滅物部氏。殺崇峻帝。（隋文帝時）立敏達天皇之后（即馬子之妹所生之女）爲帝。是爲推古天皇。爲日本女帝之始。

第二章 華化時代

大化改新。推古即位。以太子廐戶（即聖德太子）攝政。崇拜佛法。行新政。遣使小野妹子至隋通好。並遣留學生八人。是爲日本留學中國之始。八人之祖皆漢人。世修文學。故大和朝廷派遣之。有留中國三十餘年始歸國者。孝德天皇時。留學生玄理僧旻等皆充顧問。『大化改新』之業。因以成功。（大化爲孝德天皇之年號）時日本之地方官。皆世襲之國造倭造。以所領土地人民爲私有。領主之於人民。掌一切政事刑賞徵發賦課之大權。不啻土酋式之封建。大化新政之方針。首在法唐制。革封建。而集權中央。元年八月遣使畿內及諸國檢校戶口田畝。上之朝廷。二年

四月。改制四大事。曰將相諸侯村主私領之部民田莊。悉收入官爲公地公民。改給封祿。曰定畿內境界。廢國造。置國司。曰造戶籍計帳。立班田收授之法。曰罷舊之賦役。行田調。皆取則隋唐。而斟酌損益。其後復定冠位。制朝儀。置八省百官。改世襲之職。爲遷替之任。至天智天皇（唐高宗時）復設學校。定典禮。置漏刻鐘鼓。時又始制律令。天武，文武諸天皇。迭加修正。至文武天皇大寶元年（唐武后長安元年）始成。謂之大寶律令。後至元正天皇養老二年。復刊修之。凡令十卷。三十篇。律十卷十二篇。日本之法制。於是大備。其後續有增改者。名曰格式。亦與律令並行。（律者法也。令者制度也。格者百官有司所常行之事也。式者其所常守之法也。）要其定名分類及內容。一仿唐制。略加變化以適國情。傳世最古之漢文日史日本書記。亦成於元正天皇時。是後至醍醐天皇世（唐昭宗時）續日本紀。日本後紀，續日本後紀，文德實錄，三代實錄，相繼而成。與書紀合稱曰六國史。爲日本僅有之正史。皆仿漢史編年體。用漢文記載。維自遣唐學生吉備眞備，作爲假名。取漢字之偏傍以假其音。僧空海又就草書作平假名，於是爲文者多雜以假字。然曰片曰平。固未出漢字之範圍。不過使吾華文字旁衍一支。學校教授。禮闈第試。專用漢文。故唐神龜彥。悉以能漢文爲榮。惟倭歌乃用假字。蓋自孝德王用留唐

學生。有新政。復兩遣唐使通交聘。學生及學問僧。相踵而來。（此等人多爲日人之子孫。與推古主時所遣者爲華人之後裔異）此後遣使之舉。幾每代一度。雖涉重洋。恆遭颶颳，吸於文化。不憚阻艱。船必擇堅牢。人必選才幹。大使以下，凡數百人。號稱一代盛事。而送迎留學生。尤爲遣唐使重要任務。每使節往還。皆攜多數留學生。今其姓名事蹟可考者。尙不下百餘人。我華儒書佛典史籍文章歷算美術。下至方技工藝音讀儀服。悉直接移植而去。故其典章文物。無不仿唐室。帝寶異追繆。既竊漢帝之稱。碑石紀年。並用唐代年號（傳世那須直韋提碑，首曰永昌元年已丑，用唐武后年號）所謂「日本中古之文化。全係由唐移植之文化。無論何人決無異議也。」

奈良平安兩朝之盛。日本上古以來。傳說每主皆遷新都。其地概不出邪馬臺（大和）附近。蓋以前主崩御之室。後人視爲污穢不吉。必須另營新居。而草昧之世。數椽之屋，即僭稱宮殿。大者不過圍以木柵。經營遷徙。事甚簡易。自與隋唐交通。乃深感皇居之陋。而新政旣頒。都城亦不得不務莊嚴。以朝百官而副中央集權之實。然其事至元明天皇時始獲實現。和銅三年（唐睿宗）遷都平城（今奈良縣）建左京右京。定坊條之制。宮室斟酌唐制。建築亦頗宏麗。是爲日本有正式國都之始。

自後至光仁天皇，凡七代七十餘年。皆都於此。後世稱爲平城朝。亦曰奈良朝。至桓武天皇。延歷十三年。復遷都平安。（今京都府）其京城宮城左京右京街衢宮殿等。一仿東京長安之制。惟差狹小。且無郭城。然視平城京則規模宏大。自此至明治初年。凡七十餘代。千有七十餘年。皆都於是。日本史家以自文德王以後。始則外戚擅權。繼則軍閥專橫。政令不出乎日王。故僅以桓武至文德六主之時爲平安朝。與奈良朝同爲日本史之黃金時代。蓋自孝德天智文武文武諸主用力內政。治績大張。元明元正以降。內則固守盛業。外則通使聘於唐。惟以輸入唐化爲務。文學技藝之精進。實爲前古所無。

又日本之開化也。自西而東。中世之初。陸奧東北之地。猶爲蝦夷巢穴。齊明天皇時。阿倍比羅夫嘗率衆往討。顧叛服不常。元明聖武光仁諸天皇。力征經營。至桓武天皇時。亂猶不息。桓武天皇命田村麻呂盡力經略。嗟峨天皇時。文寶綿麻呂繼之。始盡覆其巢穴。爲日本東北開拓一大業。然內雖平定蝦夷。而對外則武力不競。當魏晉時。日本嘗伸張勢力於韓土。置行府於半島南部。曰任那。宋齊以降。屢遣使朝獻。陳時。新羅滅任那。毀倭府。然日本猶與百濟時往還。及唐高宗滅百濟。百濟乞救於日。天智天皇命阿曇比羅夫率舟師往援。唐將劉仁軌遇之白江口

。四戰皆捷。焚其舟四百艘。烟炎灼天。海水皆赤。爲中日戰史中最有榮譽之一事。日人自是歛迹而穴處。不敢復問半島事。

外戚之擅權。推古歿沒。馬子之子蝦夷立舒明天皇。自負定策之功。驕恣日甚。其子蘇我入鹿。橫暴尤過其父。殺廐戶之子山背大兄。朝野嗟怨。皇極天皇與中臣鎌足等密謀誅之。並夷其族。

蘇我氏之滅也。中臣鎌足有大功。孝德天皇即位。任爲內大臣。鎌足有才略。大修國政。天智天皇賜以姓曰藤原氏。子孫聯姻王室。至藤原良房遂秉國權。其後相承三百餘年。主幼則攝政。主長則爲關白。常利用太后爲傀儡。盜弄國柄。宇多天皇時。憤藤原氏之專橫。乃削髮禪位。自爲法皇。白河法皇時。並聽政於院中。實行監督政治。謂之『院政』。於是朝廷大權。移於上皇之手。稍減權臣之牽掣矣。王室衰微與武族之興起。日本自大化改新以來。創官制，定律法。鑄貨幣。修書史，定國歷，制權量，政治頗有進步。然外有刀伊之入寇。內有蝦夷之作亂與武士之爭衡。近畿則僧侶拔扈。朝臣惟耽於宴樂。鄙視武勇。有戰事則委之源平二氏。源平二氏數鎮東邊。以戰功拜將軍。收取兵權。漸成封建之勢。中央勢力日微。迨後白河以太弟即位。崇德天皇謀復立。藤原氏兄弟爭政。勸之舉兵。崇德及後白

河競招源平子弟爲助。互相殘殺。自是日本政權。漸歸於武人之手。

第二章 武人專政時代

源平之爭。源平二氏皆王族。後白河保元之亂。義源朝之功在平清盛之上。而論功行賞反不及清盛。二條天皇即位。藤原氏有謀亂者。引義朝爲黨。偵清盛遠出。乃舉兵幽上皇。遷天皇。清盛聞變。引軍大破之。殘滅義朝家。源賴朝以幼獲免。是爲平治之亂。

源氏既衰。清盛獨攬大權。進其女爲高倉天皇之后。遂以外戚攝政。爲太政大臣，貶斥諸藤原氏。代以己族。一門爲公卿者十六人。爲國司郡司者六十餘人。領有三十餘國。後白河天皇欲除平氏。事洩。與謀者皆被殺。後白河又沒收其領地。爲清盛所幽。高倉不悅。禪位於太子安德天皇。（即清盛外孫）由是大權悉歸於平氏。

時關東諸源。見清盛專橫日甚。皆舉兵。賴朝欲報父仇。起兵伊豆。關東豪傑多響應之。京都之僧寺亦多附和。清盛命將拒敵。戰屢敗。賴朝據鎌倉爲根本。以圖進取。清盛憤懣而卒。

源氏兵入都。平氏挾安德天皇西奔。後白河與源義仲謀立後鳥羽天皇。義仲恃功驕橫。爲賴朝所殺。賴朝復出兵追平氏。大敗之於屋島。平氏兵至壇浦。舉族戰死。清盛之妻抱安德帝投於海。(宋孝宗時)平氏亡。計自清盛當國僅二十餘年而族滅。大權悉入於源氏。

鎌倉時代。源賴朝起自關東。旣滅平氏。遂駐節於鎌倉。命其妻父北條時政守王京。更遣家臣。分鎮諸道。掌兵督稅。謂之守護地頭。自爲全國總追捕使。以握全國實權。尋平奧羽之亂。威勞愈振。永領征夷大將軍之職。建設政廳。幕府之起自此始。

賴朝性猜忌。獨親信北條時政。與之謀。屢殺宗戚功臣。以爲子孫安全之計。及賴朝死。而時及爲執權。鎌倉政柄。轉爲北條所有矣。北條義時。繼時政爲執權。陰很倍於父。賴朝傳二世。皆被殺。其嗣遂絕。義時迎藤原氏爲主。後鳥羽上皇謀復王權。徵兵攻鎌倉。義時發兵入京。廢恭仲帝。放逐三上皇(宋寧宗時)

其時元世祖服屬高麗。乘勢圖日本。屢遣使招降。北條時宗拒之。元人兩次大舉來伐。而運船爲颶風所覆。將士多死者。遂罷遠征。日本君臣。奉幣於社。以謝神祐焉。北條氏世據幕府實權。奉藤原氏及諸王子爲將軍。利其幼弱。以制國內。

稱長則廢之。既而後醍醐帝又謀攻幕府。北條氏再引兵入京。行廢立。楠木正成等。舉兵勤王諸邑響應。未幾。足利尊氏亦歸降。北條氏勢驟衰。新田義貞攻破鎌倉。遂滅北條氏。鎌倉開府百五十年而亡。

南北朝之亂。後醍醐既滅北條。復即帝位。(元順帝時)以護良王爲征夷大將軍。分命諸王子。鎮鎌倉。治奧羽。任用足利尊氏新田義貞楠木正成等。大擴王權。後漸驕奢。怠於改事。賞罰失當。將士怨望。且用度繁費。課賦增加。人民亦多不悅。遂有仍思武門者。

足利尊氏有異志。內結帝之寵姬。外結武人之心。而讒護良王於後醍醐。幽殺之於鎌倉。北條遺族起兵陷鎌倉。尊氏破之。遂據鎌倉。後醍醐使義貞攻之。大敗。尊氏遂入京。後醍醐出奔。義貞正成等。合軍破尊氏。尊氏西走。施以九州之兵。大舉來攻。楠木正成戰死。後醍醐南奔吉野。尊氏別立光明天皇於王京。南北於是分立。

其後。世世相爭。互有勝敗。北朝地廣兵強。南朝不能逮其什一。賴楠氏新田氏諸族。竭其忠勇。人心歸附。故能歷久相持。足利尊氏爲征夷大將軍。專北朝之柄。傳子義隆及孫義滿。南朝勢力日蹙。乃議和。合併於北朝。(明太祖時)